



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Fasti Mariani Cum Divorvm Elogiis In Singvlos Anni Dies Distribvtis**

**Brunner, Andreas  
Pfeffer, Wilhelm**

**Antverpiæ, 1637**

S. Vigilus Ep. M. 26. Iunii.

**urn:nbn:de:hbz:466:1-44055**

320 VITÆ SANCTORVM. 26. Iunii.  
*veritas indicat, aut etiam superiorem. Quapropter noli  
te comparare majoribus, noli minoribus, noli aliquibus,  
noli uni.* S. Bern. serm. 37. in Cant.

S. VIGILIUS EP. M. 26. Iunii.

**V**IGILIVM Pontificem Tridento Roma sub-  
misit annos non nisi XX. natum, sed jam  
tunc, si virtutes numerasses, grandævum. Ergo ab  
hæresi urbem, à superstitione deinde omnem latè  
viciniam purgavit. Eâdem operâ morbos, dæmo-  
nesque hospites è corporibus proscripsit, fana di-  
ruit Deorum, & solo Veronensium & Brixiensium  
agro templa Deo extruxit triginta. Felicem se  
etiam credidit, cum hospes hospitem D. Reme-  
dium excepit; sed magis oculos recrearunt homi-  
nes mille & amplius, quos omnes à fide aberrantes  
in viam reduxit Remedius, & ad VIGILIVM ad-  
duxit. Cæterum cœpta inter eos familiaritas sem-  
per deinde duravit; & ad morientem in solitudi-  
ne Remedium accurrit VIGILIVS, ære campano  
ex pacto suapte sponte monente. Justis deinde  
persolutis, cum ædiculam Remedii in templum  
vellet consecrare, præveniri se ab Angelis per  
quietem lubens volens vidit. Porro ad Aunaniæ  
etiam populos Legatos misit suos, quos cum im-  
pii adorti neci dedissent, ipse in illos movit, debel-  
laraque superstitione, ubique locorum trophæum  
Christo victori Crucem fixit. Et jam reliqua val-  
lis unica Randena erat. In hâc illi Superi trium-  
phum decrevere. Nam cum unus unicus in ho-  
stium cuneos irrupisset, & æreum Saturnum re-  
ctius cælo quàm Jupiter pulsurus, dejectum fra-  
ctumque in præterfluentem abjecisset, ipseque  
jam basi statuæ deinceps insistens, ad concionem  
dice-

diceret, densissimo lapidum imbrequitus, ipsoque triumpho suo est obrutus. *Ex Ferrar. & to. 3. Bav. S.*

*Dilectio fraterna omnibus desideriis amplectenda est, qua tot bona potest habere, quot premia: custodienda pro omnibus Virtutibus pax est, quoniam Deus semper in pace est. Locum non demus inimico, ne inter mella venena felle amariora confundat. S. Pet. Chrysol. ferm. 53.*

## S. LADISLAUS C. 27. Iunii.

**L**ADISLAVM Belæ primi Regis Ungarorum filium, in dō MARIÆ vides; ita totus ab huius uberibus, dum vixit, pependit, sed neque mortuus, ut audies, dimisit. Cæterum vix alius regum tot virtutibus aut purpuram ornavit, aut coronam distinxit; ut minus mirer, si legam aulam ejus ab Angelis frequentatam esse. Certè ipse ab Angelo germanum suum vidit coronari, sed & Angelum sub cervi schemate ignitis cornibus locum vidit signare, quo promissam MATRI MAGNÆ ædem conderet. Eorundem Cœlitum ope, cum in multis aliis pugnis, tum in duello contra patrum suum Regem Salomonem victor evasit. Etenim cum hic cum uno rem sibi LADISLAO crederet esse, conspexit sub congressum, contra duos prætereà Angelos sibi certamen esse, qui gladio jam jam Salomoni graves imminebat. Noluit igitur, etsi Hercules sibi ipse videretur, in tot tantosque pugnare; sed abjecit arma, pacem coluit. Toties victor LADISLAUS coronam tamen ferre Ungariæ semper respuit, nobiliorem & immortalem ambiens, quam ut facilius obtineret, facere fortiter pro terrâ sanctâ constituit. In eâ proinde expeditione, cum Dux lectus esset omnium copiarum, ecce